

四庫全書

史部

欽定四庫全書

史部

殊批諭旨卷一百二十六之十一

臣 永瑤 恭 校

編 修 臣 裘 謙 慶 勘

總校官中書 臣 朱 鈴

校對官中書 臣 王 鍾 泰

謄錄監生 臣 戴 瑛

欽定四庫全書

硃批諭旨卷一百二十六之十一

硃批田文鏡奏摺

雍正五年九月十一日河南總督臣田文鏡謹

奏為恭謝

天恩仰祈

聖鑒事竊臣於雍正五年六月二十四日據辦河南塘

務臣標把總張務信稟聞欽奉

上諭田文鏡自簡任巡撫以來忠正為國實心盡職整肅官方所屬下僚咸被化育懲戒尤惡撫恤善良誠能盡教養之道豫省吏治整飭衆所悉知且辦事熟諳操守廉潔凡有陳奏知無不言言無不盡毫不隱諱其誠心更屬可嘉將伊撥在上三旗以示朕厚待賢能大臣之至意欽此又本年六月二十八日據把總張務信稟知奉內閣大人富寧安等傳奉旨意著問巡撫有家人在京沒有前有

旨意著歸入上三旗問巡撫情願入在那一旗那一箇
佐領下等因臣即備具說帖併囑令家人稟明大人

轉

奏於本年七月二十八日又據把總張務信稟開欽
奉

上諭田文鏡伊兄弟子姪共十一人俱著歸正黃旗欽
此臣伏讀之下不勝感激涕零失聲哽咽伏念臣
以一介庸材謬膺封疆重任五年以來無事不仰

蒙

聖恩諄切教導臣雖時懷兢惕敬謹奉行然而質本庸
愚力多未逮實不足以弘宣

聖德廣布

皇仁間有芻蕘實同蠡測即時敷

奏無異管窺乃蒙

皇上天恩嘉臣盡職

錫賚頻頒

溫綸疊沛

榮封臣三代祖父既蒙

曠典於從前

賞入上三旗子孫復邀

殊恩於奕世并

命臣自擇旗分將臣弟姪十一人

俯允所請盡

賞入正黃旗自古臣工從未有受

恩深厚若此者臣惟有愈竭駑駘益殫血誠并囑令臣弟姪交相奮勉共圖仰報

天恩於萬一耳臣緣未准部文不敢冒昧具本

奏謝所有微臣暨闔家大小感深刻骨私忱理合先行恭摺

奏謝仰祈

聖鑒為此謹

奏

部文到日具本奏謝可也君臣之際恩義兼崇一切衷
曲皆當剖析直訴朕甚嗔汝為何不以實告今春楊文
乾在京朕偶爾言及汝之勤勞思酬以殊恩伊因奏汝
有此心事云云既可抒情於僚友乃不可陳情於君父
耶嗣後更有為難不得已處慎毋如是含而不吐

同日又

奏為欽奉

聖訓據實覆奏事雍正五年八月二十八日臣家人齋

回臣覆

奏雨澤摺內欽奉

聖諭於月之十六日朕進宮齋肅虔禱自當晚直晴霽
至今以故收穫一無阻礙隄岸潰決處乘時修補亦
不至為大害復一面遣官數路查賑被水窮黎已俱
各安業實仰賴

天心轉災為福方能有此嘉貺朕慶幸感戴之心莫可言
喻欽此我

皇上格

天之誠捷於影響愛民之念過於生成不但直省士民感

激

率土之濱莫非吾民故云痼疾一體其間不可以遠近
天恩歡聲雷動即極之四海九州亦莫不含哺鼓腹擊

分也

壤而樂

堯天矣又於臣覆

奏汎水平穩摺內欽奉

聖諭霜降水落方保無虞以後可稍寬懷矣欽此我

皇上軫念民生無時無刻不以豫省河防上廛

聖懷臣每奉

諭旨即協同副河臣嵇曾筠益相勸勉併嚴飭管河各
官竭力修防幸今霜降已過一切堤埽工程俱各
平穩豫省臣民莫不歡欣感激咸謂我

皇上至誠感孚以致

上

蒼默佑其慶安瀾臣得藉此仰慰

聖心已有旨加恩於卿等矣不勝慶幸又於臣具

奏請疏濬水利摺內欽奉

諭旨此議甚好允係應興之役從來水利為農民第一要務不獨中牟為然舉凡類斯宜疏宜濬河道逐處周詳籌畫具奏以聞切毋惜費如爾地方上力有未逮朕自發帑修治欽此臣蒙

皇上天恩畀以封疆重寄拉任之始即於飭行水利事案內嚴飭各屬凡有應修水利令其合力疏濬毋致流沙壅積有礙民田嗣據各屬陸續詳報俱各

疏通水勢暢流內除田間溝洫道左通渠農隙之時應令地主自行疏濬外至於巨川大河地方上力有不能者業已嚴飭各該地方官確查詳報今蒙

聖訓諄諄臣又復行嚴催一俟估報到日臣謹當周詳如是盡心經營甚好巨細不遺方與民生有濟籌畫據實

奏請又於臣覆

奏山西澤州妖言聚衆等事一案摺內欽奉

聖諭此事於題本內已有旨矣又奉

聖諭斯係要犯務宜擒獲欽此臣查楊副將一犯即原
任濟源縣革職千總楊廷選臣不能預行查拏以
致疎脫今蒙

聖主弘慈不加嚴譴惟

敕部飭行似此莫大

天恩有逾高厚今據濟源縣報稱據澤州關拏段子秀
任光先已經拏獲解晉併准直隸拏獲翟丹桂書

內之齊遂侯現在發司究出楊廷選實在下落務期必獲所有微臣奉到

硃批諭旨理合繕摺覆

奏伏乞

睿鑒併將原摺恭繳謹

奏

覽

雍正五年九月二十五日河南總督臣田文鏡謹

奏為請定稅契之法以杜姦弊事竊惟民間買置田房山場等產自應立時過戶稅契但買主赴州縣上稅止用白紙寫契一張呈送該州縣於契載價銀數目上蓋印一顆即為稅契弊遂叢積夫小民希圖漏稅收匿白契竟不用印挨至地方官去任之時乞恩討情彼去任之官印信已將交出樂於徇情或圖得半價即與蓋印此一弊也凡愚夫愚婦未能識字者典賣田宅煩人代寫立契交價後

買主即賄通代字之人另寫契約或多開價值令其難於回贖或以典作賣希圖永為已業此一弊也民間每年買賣田房地產不計其數小民之匿契漏稅者州縣無從稽查州縣之徵多解少者上司亦無從稽查此一弊也甚而姦胥猾蠹私收稅銀描模假印蓋於紙上下以欺民上以朦官此一弊也由是而有布政司頒給契尾之例凡稅契時州縣即將契尾粘連於民間契約之後鈐蓋縫印

以杜其弊法至善也而不知弊又從此而生布政
司備此契尾之時不無刊刷紙張用印油紅之費
州縣領此契尾之時不無差役路費司胥飯食之
資此一張契尾頒到州縣價已昂貴自不得不取
償於買主是以每張契尾勒索三五錢不等交易
重大契內載有盈千累百之價者自不惜買此契
尾之需但民間大產大價歲有幾何其餘多係零
星交易甚有地不過數分價不過數錢者每兩止

抽稅三分其上納正稅不過數釐而買此契尾且逾百倍是以裹足不前寧甘漏稅之愆此一弊也且州縣官每年所收稅銀實不肯全行起解為其所侵肥者十常八九如每契必用司頒契尾則不能隱匿無從染指是以州縣官將司頒契尾領過一次用完之後不肯再領民間投稅印契者仍止於契上銀數蓋印或用硃筆於契內標註契尾候補字樣在小民愚賤無知惟以地方官為主既有

印信可憑且有硃標作據即視司領契尾為可有
可無之物雖或因買賣不明爭執涉訟當官驗契
在州縣亦惟以契內有印無印辨其是非決不以
契後有尾無尾定其曲直判斷自由以護其不給
契尾之短此一弊也再契尾價貴則價輕稅微者
自難令其買置契尾因而有稅銀五兩以上者方
給契尾之陋規其餘槩於契上用印此一弊也有
此數弊臣再四思維幾至無法欲民間槩用契尾

價輕稅微者實有難堪欲州縣盡給契尾徵多解
少者皆非所願臣愚以為與其使布政司頒給契
尾不如使布政司頒給契紙與其令民間不論稅
銀多寡俱用契尾不如令民間不論價值重輕俱
用契紙此去其契尾之名而仍不失乎契尾之實
者也臣請自雍正六年始民間買賣田房山場產
業概不許用白紙寫契布政司照連根串票式樣
刊刻契板刷印契紙每契一紙用一契根契內書

立賣契某人今有自己戶下或田或地或山或房若干頃畝間數憑中某人出賣於某人為業當受價銀若干其業並無重疊典賣親鄰爭執情弊等字樣仍於契中空處開明四至年月其姓名數目四至年月聽本人自行填註契根照契紙內字句刊定中空一條編填字號即於字號上鈐蓋司印一顆恐州縣領此契紙司中勒索民間買此契紙州縣居奇亦即於契紙年月後刊定每契紙一張

州縣賣錢五文解司以為油紅紙張之費毋得多
取苦累小民字樣每契百張釘作一本布政司查
照州縣之大小地畝之多寡四季印發即於署內
用印連根封固從鋪遞發給州縣不必經司胥之
手仍將發過數目報明督撫查考州縣將契根裁
存該房止將契紙發各紙店聽民間照判定價值
買用仍將收到司契日期數目申報督撫查考再
另用印簿一本并發紙店凡有買契者俱於簿內

註明某月某日某人買某字號契紙一張其有寫錯無用必須另換者俱令將原契紙交還紙店繳官送司塗銷俟民間交價立契之後過戶納稅之時并契紙送入州縣即發房照契填入契根於價值之上蓋印仍於契內空處填寫某年月日上稅若干用印訖字樣發給納戶收執其契根於解稅時一併解司核對如州縣於契根上少填價值稅銀者查出叅追照侵欺錢糧例治罪若將司領契

紙藏匿不即發店聽民買用或賣完不預赴司領
給使民間仍用白紙寫契及縱容書役紙店昂價
累民至布政司不即印給以致州縣缺少契紙并
縱容司胥苛索者督撫查出題叅聽部定例議處
若民間故違仍用白紙寫契者向買主追產賣主
追價槩行入官仍照漏稅律治罪倘州縣將白紙
私契用印者亦照侵欺錢糧例究追其雍正五年
以前已經納稅用印者許令呈明存案免其另換

司頒契紙未經納稅者不准呈明補印作漏稅究
治如官民通同作弊將雍正六年後所買田產移
作雍正五年以前年月仍用白紙寫契用印者許
賣主告發追還原賣之業其價免追官吏買主仍
行治罪如此一轉移間則一切陋弊可以盡除永
杜矣是否臣言可採伏乞

皇上睿鑒施行謹

奏

稅契一事指陳利弊可謂剖析無遺但朕自踐阼以來
為百姓興除之條陸續頒發者難更僕數各省督撫中
或因循觀望而敷宣不力或竭力遵循而施措未遑所
以壅積者多通行者尚少今契紙之議名為稅課有賦
斂之嫌且徧行直省一體更張而天下督撫尚未盡得
稱職之人州縣半屬初任新吏恐奉行不善辦理乖迕
徒滋紛擾耳將此摺發回存留爾處俟後相度時宜有
可行之機具奏請旨可也

同日又

奏為欽奉

聖訓據實覆奏事雍正五年九月十七日臣家人齋回

臣恭報晴雨汎水一摺欽奉

硃批諭旨歲功河防兩俱告慶朕心不勝欣慰之至自
春徂秋三汎既暢流無阻河泓又復刷深幾許耶隨
便查奏以聞欽此臣伏查今歲全河暢流河身比上
年更加刷深臣時刻在念敢不亟為奏

聞上慰

聖懷但豫省黃河綿亘千里自當查驗確實何敢冒昧
入

告今查據上南河同知托克托海署上北河同知鮑學
沛所屬鄭州滎澤陽武中牟四州縣河泓現今刷
深自五六尺起至一丈四五尺不等較之上年各
州縣河身更加刷深二三尺至一丈一二尺不等
下南河同知劉永錫下北河同知張近光所屬祥

符陳留蘭陽儀封四縣河泓現今刷深自八九尺起至一丈三四尺不等較之上年各縣河身更加刷深三四尺至五六尺不等署歸河通判李槃所屬考城商邱虞城三縣河泓現今刷深自一丈四五尺起至二丈不等較之上年各縣河身更加刷深六七尺至一丈三四尺不等其各處最深處所竟有刷深至三丈七八尺及四丈二三尺不等臣於本年九月二十日據管河道祝兆鵬稟報前來

與臣查勘無異從此河泓日深河岸日高將見水
由地中自可永慶安瀾此皆我

皇上至誠上格之所致也所有河泓刷深緣由理合遵
旨據實覆

奏仰祈

聖鑒謹

奏

河身較前更深固屬可喜可慶之事然尚須加意防護

過兩三年後無虞方敢釋懷也

同日又

奏為欽奉

聖訓據實覆奏事竊臣家人齋回臣具

奏山西澤州妖言聚衆等事一案摺內欽奉

諭旨好此案人犯竭力緝捕毋令一名致有兔脫欽此

臣查此案人犯內除已獲解晉之翟神仙即翟斌
如等二十二名業經節次恭摺奏

聞今除前獲郎裁一名解晉審非此案之郎裁外續又
斬廣一犯因朕再三切諭王廷揚方始獲到此係渠魁
今既拏獲案內之首犯斬廣一名餘黨賈坤全李二又
名李三已解晉省收審併准陝西興安州鎮臣劉
世明奏開摺內朕批詢之旨即此殊筆所圖數語
昨劉世明拏獲伊弟劉錫瑗已由陝西就近解晉至
已將楊廷選著落於伊矣但劉世明乃一好總兵全
投劉錫瑗之楊廷選據楊廷棟等供報鑿鑿今准
此事無涉將其弟之不肯處亦曾奏過伊不追問楊
鎮臣劉世明止稱伊署內並無其人但該鎮將伊
選曾否往投劉錫瑗鞫鞫之若言可疑則大不然何
劉錫瑗弟劉錫瑗鞫鞫之時並無追問楊廷選曾否
將楊廷選窩藏何處口供殊屬可疑又據澤州關

太原

拏現有活口可訊何疑之有侯石仙即侯述先已故尹道士即殷道士之徒

孫葛仁孝亦已解晉其前獲解交開封府與楊廷

棟楊廷敬質訊之李渭南亦係案內為首要犯并

郝老二王孝貽張其相王結孫龍文侯榮先以及

前往鄧州未回密差拏獲之翟明遠與楊廷選往

來之齊隨侯段耀彩窩藏李三等之梁作舟伊子

好嚴

梁辰加管押務令如數解到方是常興旺常運邱大并原獲資送楊廷選脫逃之楊廷棟楊廷敬俱經押解晉省收審訖至楊廷

棟等前供拏獲之孫茂先顧清宇胡無瑕孫仁文

馬靜遠等五名堅供雖與楊廷選認識並未交結

往來亦不知妖言情事今楊廷選未獲無憑質對

自不

應寬抑平民

已經發縣暫行監候至未獲楊廷選焦養祿王君

此十

祿申三衛智樊百川衛四聞姓張冉公劉三范溪

恐不

止十五名務須緝獲固不待言朕意新廣到案審後尚

盡力

差安幹員役捐給路費令其照依各犯姓名年貌

住址四路密訪嚴緝并懸立賞格准其自首務期

係元璵餘孽乃豫省之一大害不可少忽今茲敗露實

必獲解晉收審斷不敢稍懈以致有負我

賴

皇上諄切垂訓之至意也所有奉到

上

聖

硃批諭旨理合繕摺覆

祖隆賜庇佑之所致朕復密諭怡親王暨大學士有轉

奏並將續獲各犯名數一并奏

寄直省各督撫藩臬之字務將斯種匪類隨時隨地逐

聞謹

一搜剔剷除淨盡不然姦宄兇焰無由止息也

奏

覽

同日又

奏為欽奉

聖訓據實覆奏事竊臣家人齎回臣為預懇

聖恩摺內欽奉

諭旨覽奏已悉豫省人員為朕所選取另用於他省者
原屬過多然率皆以州縣牧令擢陞郡守監司非以
原品原職對調也今既據奏懇俟二員到京引見後
李鍾璠自仍發還於爾劉永鑽若才具果好諭部加
銜亦發回豫省供爾驅策欽此我

皇上四海九州視同一體東西南北惟

君所使且將豫省州縣皆以道府擢陞又以臣能教訓

屬員

特旨獎勵臣已感激涕零又何敢以河南人員私為已

有但臣實才智庸愚惟藉一二熟悉風土能員以

為臂指之助今蒙

李鍾璠老成其才具亦好劉永鑽人甚精彩將來可望
皇上允臣所請將李鍾璠劉永鑽二員仍
成器豫省現任知府中如有不父者具摺奏聞朕將伊
命來豫仰見

摺補皇上無處不憐臣恤臣伏讀

聖諭不覺感泣失聲益深惶悚又於臣具

奏固始縣長興集站馬巷二處被水摺內欽奉。

諭旨於通省中雖止兩村被水然災咎之來民命所關
理應戒慎也又奉

諭旨似覺太少又奉

諭旨被淹如許名口深堪憫惻嗟此災黎橫遭無辜皆
緣朕與卿等不能綢繆於早之所致經歷一番後須

查通省內如有類斯可虞之處俱當預為區畫消患
於未然司庫所存耗銀正宜於此等事務動用也已
有諭旨頒下又奉

諭旨通盤計算固不成災無庸具題若據彼一家一村
而論則已被十分災矣其苦何可勝言此等戶口宜
密囑該州縣停免徵比竟動撥耗羨代為抵補錢糧
斯為善舉事雖越例不妨記明朕旨存案即一面飭
諭該司遵奉施行又奉

諭旨料理雖屬合宜恐又不免諱災之論耳朕於所降
諭旨內畧帶數語發出時爾自得知悉欽此仰見我
皇上軫念民生勤求備至煌煌

天語剴切詳明但臣伏查該縣境內止有長興集站馬
巷二處被水且水勢來快退速雖房屋人口一時
未及防備不無漂失而所種稻禾水退後收成尚
好不至成災臣亦誠恐所發二千兩之數或有不
敷已於南汝道孫蘭芬臨行之時令其暫為湊墊

續發

之意甚善

詳請續發務使被水貧民均沾實惠不致有名無實一夫失所在案除俟該道等查明賑恤得所詳報到日臣謹當仰體

聖懷悉心斟酌另摺覆

奏外所有奉到

硃批諭旨合先恭摺覆

奏仰祈

睿鑒謹

奏

覽

雍正五年十月二十六日河南總督臣田文鏡謹

奏為恭報瑞雪仰慰

聖懷事欽惟我

皇上敬

天
勤民重農務本

至誠昭格四海已蒙豫大之休

聖德覃敷萬方復荷盈寧之慶不但二麥三秋歲歌大有而且五風十雨疊著奇祥茲據開封等八府暨汝鄭等七州併所屬各州縣報稱雍正五年十月初四日同雲密布瑞雪繽紛積厚自二三寸至四五寸不等又於十月二十二二十一等日天降瑞雪自六七寸起至一尺餘不等四野均霑高下普被土膏滋潤麥根深固黃童白叟莫不歡呼踴躍以為預兆豐年羣歌

聖德臣生逢

盛世幸際

昌期不勝歡忭所有豫省普降瑞雪日期理合繕摺
奏

聞恭慰

聖懷謹

奏

直隸普降瑞雪正深慶幸覽奏豫省得雪復如是優渥

朕懷欣慰何似

同日又

奏為據實奏明仰祈

睿鑒事竊照政務殷繁全賴庶司分理封疆重大更期

臂指交資臣查布政使費金吾心地明白才更歷

練聽其言論觀其辦事尤長於聽斷至於操守則

費金

歷宦既久家道頗豐但求保此身家不圖更有增

吾第一疵病在不實二字若非爾如是督撫與之

益惜存心過深而思患常切凡事從寬而避怨為

共事即布政使多然以之為布政使則實無忝旬宣之職仰見

皇上用人之允當也陞任按察使彭維新心地人品如
精金美玉初到豫省時因未任外官驟膺廉察聽
其言論觀其舉止似乎茫無適從然學問本深才
猷本具又能謙以受益勤以勉求不數月而大改
從前刑名一道竟能領畧深微今蒙

皇上陞授浙江布政使再歷練以錢穀可謂全才至於
操守天生廉介不足為該司稱道但性稍拘方心

多疑慮是以案牘常有稽遲屬員無暇接見該司

亦自知其失竭力修改伊年方逾強仕從此而日

彭維新氣質和平資性明敏洵屬好材品但恐立志未

堅不能擺脫科甲積習尚欠琢磨之功

聖世有用之才臣深為

皇上得人慶也新任按察使李秉忠臣觀其人忠誠朴

實聽其語言亦似明白但係初膺外任諸事更覺

茫然無所措其手足且於漢文不甚通曉李秉忠

到任時謹傳

皇上諭旨令臣教訓學習臣雖至愚極陋一無所知敢
不竭力教導時刻提撕然通省刑名關係重大微
有不慎則上干

天

和下殘民命臣心不勝惴懼容俟該司學習數月驗其
所奏甚是原係庸平才具第取其胸襟淺直且甚顧惜
果否勝任臣另摺奏
顏面朕亦慮伊不勝臬司之任姑試用之耳
聞驛鹽糧道楊夢琰本非歷練之才尚狃書生之習雖

識見頗有而心直口快性復躁急好任己意每一
啓口輒與例背經臣屢行誠飭故該道自到豫以

來不敢獨行其見該道雖管理通省糧鹽驛站却
仍分守三府五州地方臣見其專意於辦漕並不

朕欲命伊久歷此任且不擢用以老其才今爾所奏殊分心於他政其意蓋以漕船不依限出境抵通考

未了然明晰或言此任亦弗克勝耶成獨嚴故也至其操守無愧四知克傳清白以之

掌管倉庫錢糧虧空絲毫無慮分守河北道朱藻

原係禮部主事隨副河臣嵇曾筠到工協理河道
事務臣見其操守耿介辦事勤勞

題補河北道蒙

皇上逾格陞補該道感激

天恩力圖報效又因河北守道一缺係久裁復設凡事俱須整頓該道可謂奮不顧身數年以來一塵不染任勞任怨毫無瞻徇臣深藉為臂指無如毀謗紛紛竟成孤立總因河北三府久無道員管轄今復設此缺該道又復精勤郡縣不能自由遂騰物議以青蠅而汙白璧臣甚為出身與

朝廷辦事者危而不獨為該道恨也臣勉其不得因

此改轍灰心況

聖明在上斷斷無庸過慮該道亦以臣言為是第恐將

多方開導之可也

來不得不稍涉於世情也管河道祝兆鵬人甚明

白才具亦優其操守一節

聖明在上自可信其無他近因陞授河道與臣同城密

此人原無足取

外觀可觀中殊不然實非大器已將伊

記名

止於府道階級所奏與朕意相符矣兼恐其於河

道一

任尚有出入

才亦肆應豫省東南臣甚藉其力其操守一節

聖明在上亦可信其無他第該道從前性少褊急畧涉

世情久為

孫蘭芬一片婆心情性太急亦終非大器
皇上洞鑒然該道亦自知其失力加悛改臣近日逐事

陳世體察已不聞復有此病洵有用之才也開封府知

世館判然兩途之故其才力甚有可取然大任恐難深

信司道以下綽有餘裕者也
奏叅在南汝道任時經冬

鎮內揭蒙

皇上不加罷斥補授開封府知府該府感激

天恩力圖報效且經此兩番蹉跌三折肱後遂成良醫
臣每加訓誡該府受

恩獨深檢身宜謹此番再有微疵罪即莫逭該府自知

悚惕奮不顧身補授知府一年以來不特正已率

屬一府之事辦理井井且細心鞠獄陞任按察使

恢恢游刃

彭維新凡有疑難大案悉委該府審理片言而決

實有其能

通省稱神如此歷練老成之才若令其久任刑曹
必多平反民自無冤但人心無欲而自剛事不徇

從來

如此

情則多怨該府亦竟成孤立之勢至於該府智

逼肖

其人

能如是

則為可用之器矣

刻而實平

是以不免於取怨惟仰

泥而仍露心似

刻而實平

是以不免於取怨惟仰

泥而仍露心似

泥而仍露心似刻而實平是以不免於取怨惟仰

戴

爾之

屬員縱有姜菲之言達於朕耳斷無不向爾察詢

之理

聖明

方得免於姜菲之傷也

河南府知府張漢學問甚

之理

聖明

方得免於姜菲之傷也

河南府知府張漢學問甚

之理

聖明

方得免於姜菲之傷也

河南府知府張漢學問甚

之理

聖明

方得免於姜菲之傷也

河南府知府張漢學問甚

之理

聖明

果爾

亦可謂賢太守矣

動聲色而屬員賢否知之甚詳實

果爾

亦可謂賢太守矣

動聲色而屬員賢否知之甚詳實

果爾

亦可謂賢太守矣

動聲色而屬員賢否知之甚詳實

果爾

朕不

記憶其人

起敬者也惜長於德而短於才以之表率則

朕不

記憶其人

起敬者也惜長於德而短於才以之表率則

朕不

記憶其人

起敬者也惜長於德而短於才以之表率則

朕不

有餘以之肆應則不足蓋宜於巡守監司而未宜

於煩劇郡守也以上各員與臣同事二三四五年不

等臣知之甚深因念

皇上以堯舜之心而治天下則首在於得人微臣以犬馬之私而報

聖恩則不外於推轂蓋一人之聰明才力有限惟以衆人之聰明才力事

君而被衆人者又舉所知而進於

皇上則賢才輩出用之不窮將億萬斯年永著唐虞之盛矣伏乞

睿鑒謹

奏

覽

同日又

奏為欽奉

聖訓據實覆奏事雍正五年十月十八日臣家人齋回

臣覆

奏山西澤州妖言聚衆等事一案拏獲靳廣等犯摺

內奉有

硃批諭旨臣跪讀之下仰見我

皇上至聖至明無微不照而

睿慮周詳則又無遠勿屆至於此案人犯臣無時無刻

不留心察訪復遍懸重賞挑選捕役捐給盤費嚴

飭所屬文武官弁協力嚴拏恨不能即時擒獲以

副

聖懷而劉世明將伊弟劉錫琰拏解之時並不追問一

語臣疑劉世明身受

皇上殊恩不應不向伊弟追問楊廷選下落非敢疑其身為此不法之事也今蒙

皇上明白訓示仰見我

皇上量同覆載明竝日月但此等匪類誠如

聖諭乃豫省之一大害祇緣臣自愧庸愚既不能察訪於機先復不能嚴拏於事後以致上厯

聖懷自此事發覺以來至今寢食靡寧惶悚無地今楊

廷選一犯臣復飭河北鎮臣紀成斌懷慶府知府
靳樹賢查明認識楊廷選之兵民俱各挑選數十
名分發通省所屬文武各衙門令其作眼協同各
屬兵役現在四路躡緝且近訪得楊廷選暨閔登
雲二犯潛匿魯山縣所屬之史家溝山內臣已遴
委臣標左營守備白琦等密授以搜拏之法星夜
前往會同該地方官逐處協力搜查務獲解審如
該犯果係在彼潛匿斷無不獲一俟拏獲之日臣

即繕摺奏

聞再臣查段八年王君祿李小喜三名已經續獲解晉
收審訖其與楊廷選往來齊隨侯之子齊依禮亦
經直隸押解晉省收審外至未獲楊廷選焦養祿
申三衛智樊百川衛四聞姓張冉公劉三范溪閔
登雲翟姓郎裁等一十三名又於本年十月二十
二日准山西撫臣石麟咨拏翟斌如周三供出之
段懋德陳有章楊慶侯李子昂王天乙茹璧何其

攸閔西奇陳靜菴馮哲裴方來黃德恒曹貴汀馮
智等一十四名臣隨即嚴行按察使密飭該地方
官會同晉省委員把總郝廷璧星夜查拏去後今
據懷慶府報稱所有洛拏之段懋德陳有章楊慶
侯李子昂王天乙茹璧閔西奇陳靜菴馮哲裴方
來黃德恒馮智等一十二名俱已拏獲惟何其攸
查係直隸天津州人濟境並無蹤跡曹貴汀於未
奉文之先已往衛輝府業經選差分頭密拏去訖

等語除何其攸一犯臣現在移咨直隸督臣轉飭查拏外所有已獲之段懋德等一十二名復經臣轉飭訊取確情交給委員并選差兵役嚴押解晉收審其曹貴汀一犯以及楊廷選等各犯臣俱現在遵

旨一一料理竭力擒捕務期必獲解晉收審斷不敢視為多事株連稍存懈弛之念自干罪譴也所有奉到

硃批諭旨理合恭摺覆

奏仰祈

聖鑒謹

奏

緝捕有方則姦匪何能漏網所奏嘉悅覽之

同日又

奏為欽奉

聖訓據實覆奏事竊臣家人齋回臣覆

奏河泓刷深一摺奉有

硃批諭旨臣查黃河水勢消長靡定但河泓既深自可

永慶安瀾乃

皇上敬慎為懷無時或釋諄切

訓誡有加無已好臣敢不竭誠仰體加意防護以副
聖懷又臣具

奏請更定稅契一摺奉有

硃批諭旨臣跪讀之下仰見

睿慮周詳實非臣之愚昧所能仰企萬一者臣謹欽遵
諭旨將奏摺底本加謹收存俟有可行之機另

奏請

旨再臣伏查雍正五年九月初六日臣接准部咨密封
發來條陳八款係命爾等督撫密議之事無庸具本題
條奏八款內有稅契一項令用司頒契尾臣因奉
覆但摺奏以聞直省奏齊之時朕酌定有旨
有

皇上硃批諭旨不敢復為奏請惟有嚴飭各屬遵照部
文奉行現在經臣覆

奏仰祈

聖鑒又臣覆

奏請留李鍾璠劉永鑽等一摺奉有

硃批諭旨臣伏思豫省如無知府缺出自應遵
旨將現任知府中甄別奏請

皇上將劉永鑽擢補今既有南陽府一缺臣前准部咨
欽奉

上諭劉永鑽著加知府銜回原任令臣酌量

適

題補臣遵即恭疏具

相奏合即以題補甚善

題請將劉永鐸補授南陽府知府矣不敢仰厪

天心合併覆

奏謹

奏

覽

雍正五年十一月二十六日河南總督臣田文鏡

謹

奏為恭請

訓旨事竊臣一介庸愚毫無知識仰蒙

皇上逾格天恩由布政使陞授巡撫復加兵部尚書授
為總督伏思臣之所以克供厥職得免隕越者實
荷

皇上聖諭頻頒并臣

奏摺內屢奉

硃批訓誨方能稍知吏治民生之事膺此封疆重任之

難數年以來凡臣之章

奏文告無一非仰體

皇上聖心仰遵

皇上聖訓敬謹敷衍以成篇牘至於董誠屬吏勸誨軍民凡於地方緊要事務不啻一而再再而三罄筆而長言之政期必行而禁期必止日積月累久而成帙雍正五年八月三十日據布政使費金吾按察使彭維新以屬員之去留不常案牘之稽查難

遍詳臣刊刻頒行臣查刻成小本彙聚裝釘置之
案頭不時翻閱各屬新進書生於臨民蒞政之事
不無小補臣隨自行捐貲將臣自雍正二年九月
初三日奉

旨署理巡撫印務起至雍正五年七月十三日奉

旨陞授總督止所有巡撫任內行過事宜逐一檢校分
作章疏條奏文移告示四卷名為宣化錄蓋謂奉
宣

皇上之聖化也先行刊刻今已告成竊思臣之所行雖
悉遵乎

皇上訓旨但因地制宜內中不無就豫省之所有者為
之立言臣意見之所及者為之增出則是否得宜
有無悖謬之處臣實不能自知其非亦不敢自信
為是未敢擅自頒發各屬但臣伏念

皇上朝乾夕惕日理萬幾臣復以臣之微言瀆請
不妨進呈朕覽
進呈是臣不能仰體

天心臣罪莫逭且臣蒙

皇上殊恩畀以重任不能躬行實踐表率羣吏惟以言
詞警策實屬具文臣罪又無可逃然而

邳隆之代不廢文辭敷政之臣當欽

時命則所以奉宣

從來敷言以顯道採風以觀政文詞安可少忽所奏甚是
皇上之聖化者事關重大又不可以不慎是以不揣愚

昧恭為繕摺

奏請可否

允臣所請容臣先行裝釘敬謹

進呈

御覽伏候

皇上敕旨遵行臣不勝悚惶兢惕之至謹

奏

覽

同日又

奏為欽奉

聖諭據實覆奏事竊臣於雍正五年十一月十一日准
兵部咨內開欽奉

上諭此次西藏輓運糧餉所需馱騾著陝西河南山西
三省各購買三千匹預備於明年正月為始陸續解
至西安交與總督岳鍾琪聽其使用務於二月內照
數解足欽此臣查從古以來國家凡有軍興大事均
不能不取之於民惟我

朝理財用人各得其道是以人和年豐庫貯充裕

聖祖仁皇帝時凡有軍需悉動正項錢糧並無派累及民
臣以為正賦之外又有耗羨原期以地方之公項
辦地方之公事今查豫省司庫現積有耗羨銀兩
儘可動用以公項而辦公事上不致動支正賦下
不致派累里民於節用愛人之道更為兩便臣隨
酌量價值馱騾之價賤於走騾每騾一匹發銀一
十四兩其價已敷諭令各州縣分領採買以地方
之大小定騾數之多寡庶幾衆擎易舉臣復嚴飭

各屬毋得經由鄉約地方人等之手致滋汙累各
州縣境內凡有畜養馱騾之家驗係臚壯力能負
重致遠者即令牙行當官評定價值官為親看稱
準銀兩面給本人收領不得縱令書役牙行人等
需索扣剋亦不得將老病疲癯者塞責致誤軍需
每騾十匹外多買餘騾一匹以備挑選鞍屨籠頭
照騾數齊備陸續送省驗烙其附近陝西之各州
縣所買騾頭臨時臣另委賢能道員赴河南府經

由地方驗烙徑行起解西安至於解送騾頭沿途
所需草料口糧臣議令每騾一匹日給草料銀一
錢每騾二匹需夫一名每夫日給口糧銀六分每
夫每月再給安家銀一兩五錢內除豫省經由州
縣檄飭赴司領銀預備俟解到之日如數給領并
預備槽鑊店房以免露處事完之日造冊報銷其
自潼關至西安一路非豫省所屬應備口糧草料
臣現在咨明兵部并移咨陝西督撫諸臣轉飭沿

途該地方官先為代辦俟豫省解員至日照時價發給買用并飭沿途文武官弁每驛十匹撥兵丁一名差役二名逐程遞送再飭管河道凡解驛經由道路橋梁恐有窄隘圯壞之處俱令修補寬濶完固過渡水口預為備辦船隻勿致臨時等待仍遵

旨於明年正月為始陸續解至西安務於二月內照數解足不敢遲誤臣正在飛檄布政司逐一辦理間

於本年十一月十二日復奉到怡親王劄諭內開
雍正五年十一月初三日欽奉

上諭目下西藏之事差大臣前往辦理其跟隨兵丁所用糧餉需騾馱運令山西河南各採辦三千匹著該督撫動支正項錢糧採買按價給發俾其足用不得絲毫派在地方累及小民亦不許地方官員人等有捐助之事或存公銀兩有可動用者著動支應用在該督撫酌量可密寄信與伊等知之欽此仰見我

皇上睿慮周詳體恤備至臣惟有竭誠仰體時刻稽查
務期按數採買絕無派累軍需辦而民若不知公
事竣而官皆無擾以仰副我

皇上諄切垂訓之

聖意耳除俟馱騾解足之日將用過銀兩另摺奏

聞外合先繕摺覆奏仰祈

睿鑒謹

奏

卿所料理定然妥協朕實確信無疑也

同日又

奏為欽奉

聖訓據實覆奏事雍正五年十一月十九日臣家人齋

回臣覆

奏山西澤州妖言聚衆等事一案摺內欽奉

諭旨緝捕有方則姦匪何能漏網所奏嘉悅覽之欽此

臣查此案人犯自發覺以來臣無刻不留心察訪

設法嚴拏今於雍正五年十一月十四日准山東撫臣塞楞額咨稱楊廷選一犯於本年九月二十

楊廷選之自艱據塞楞額亦經奏聞校免雖有三密終

不能漏脫網罟則凡一切姦匪諒俱聞風知警矣況案

內要犯全獲情實畢具亦無庸再加質訊處從前朕謂

劉世已據該地方官驗明確係楊廷選身屍咨覆到臣

該犯罪惡彌天臣不能緝獲到案審明定擬請

旨明正典刑實臣之罪但已遭冥殛可見叛逆之人無

所逃於天地之間也再臣查節次准到山西撫臣
咨拏各犯共四十四名臣竭力嚴拏內除楊廷選
自盡殷道士即尹道士病故并續准山西撫臣咨
稱質訊陳桂靳廣等供稱夥內並無聞姓其人外
已獲翟斌如等三十二名其未獲之焦養祿閔登
雲申三范溪樊百川張冉公劉三翟姓郎裁等九
名臣查焦養祿等九名原係山西人事發在逃臣
現在遍懸重賞挑選捕役捐給盤費設法嚴拏務

獲固全美不獲亦無闕緊要矣
期必獲以副

聖懷至於續准山西撫臣石麟咨拏翟斌如周三供出
之段懋德等一十四名內除何其攸係直隸天津

州人未據報獲外臣雖將段懋德等一十三名解
或良或姦到案自明城門失火殃及池魚於此一事拖
累數人恐亦在所不免也
晉收審在案但據濟源縣詳稱多屬無辜良民恐
係翟斌如等畏罪妄報亦未可定也所有奉到

皇上諭旨理合據實覆

奏仰祈

聖鑒謹

奏

覽

同日又

奏為欽奉

聖諭據實覆奏事竊查固始縣長興集站馬巷二處被
水一案臣據報即批令布政司委員履畝確勘果
否成災并飭動庫貯公項銀二千兩發交南汝道

孫蘭芬帶往確查實在被淹男婦分作三等加厚賑恤無致失所經臣恭摺奏

聞今據布政司詳據委勘之商城縣知縣黃正煥詳稱遵即親赴固始縣地方逐一履勘所種田禾早者已經刈穫晚者亦已結實雖微被水淹但水勢來快退速竝無損傷仍有七八分收成不致成災出具印結詳送到臣又詳據南汝道孫蘭芬報稱遵即親赴該縣被水地方逐處挨查共計被水貧民

八百二十二戶漂失男婦大小共一百六十八名
口遵照分作三等親行逐戶散給并計其人口多
寡每戶給銀自一兩至二三兩不等共賑過銀二
千一百三十七兩零受賑貧民歡呼雷動咸祝
萬壽無疆造具清冊詳報到臣查被水貧民生者既
蒙賑濟業已安全歿者倍加周恤瘞埋有藉且各
於故地結茅築室廬舍依然田禾無恙未至成災
錢糧可以照常完納無庸

題請

恩蠲但臣前奉

聖諭通盤計算固不成災無庸具題若據彼一家一村而論則已被十分災矣其苦何可勝言此等戶口宜密囑該州縣停免徵比竟動撥耗羨代為抵補錢糧斯為善舉事雖越例不妨記明朕旨存案即一面飭諭該司遵奉施行欽此臣跪讀之下仰見我

皇上軫念民生

仁恩篤摯從古聖帝哲王所未有也即此

硃批諭旨已足感格

實出朕惻怛誠念

大心全活無算臣敢不竭誠仰體上副

聖懷但臣委南汝道孫蘭芬細加查勘實因江南六安

地方發蛟蛟水驟漲來快退速不過從田上一過

而固始俱係種稻水田水去之後無甚損減即一

二畝被災無收之處亦屬無有無庸停徵彌補再

臣查該縣河道現在委信陽州知州王鴻勲逐細

確勘據稟此係沙灘溪河寬有二百丈至四五
百丈不等河身俱係活沙往往有深不可測之處
忽漲為淺灘人馬可渡其兩崖離高灘尚有二丈
餘不等崖上方係平地內始有民田從來即雨水
過多之時並未漫溢今歲實因江南蛟水暴漲以
致下流河不能容詢諸耆民咸云自明代洪武年
間起蛟發水曾經一次實非人力所能防禦是以
無庸疏濬理合據實覆

奏仰祈

聖鑒謹

奏

既勘不成災自無庸代為抵納果無庸疏濬亦豈令強為施設也

同日又

奏為恭摺覆奏事欽惟我

皇上乾行日健

天心呼吸可通

聖敬日躋

神鑒感孚不爽誠意積

九重之內典重明裡渥澤沛四海之遙惠周黎庶虔塑

龍神法像

欽命直省恭迎臣已於臣署之前卜擇吉地蓋造

龍王廟宇敬謹供奉全豫士民歡聲雷動咸謂從此

百靈助順五穀蕃昌億萬斯年永書大有臣現在

斯乃不恩具疏題謝者誤矣
繕疏恭謝

天恩外雍正五年十月三十日恭逢

皇上聖誕令節臣虔製

萬壽龍鳳燈五掛以展犬馬敬

主之私乃蒙

特命奏事人傳

旨著臣將所進之燈敬懸新建

龍神廟內以克供奉仰見我

皇上殷懷民事崇祀

龍神將見五風十雨永慶農祥七穗雙岐咸歌

帝力矣除敬詹吉日懸掛外理合覆奏仰祈

凡美觀瞻

聖鑒謹

奏

覽

同日又

奏為欽奉

聖訓據實覆奏事雍正五年十一月十九日臣齋摺家人回豫捧到

皇上硃批臣摺於臣具

奏布政使費金吾條內欽奉

諭旨費金吾第一疵病在不實二字若非爾如是督撫與之共事即布政使之任亦恐不宜欽此仰見

皇上知人聖哲直察秋毫實不能逃

聖明洞鑒臣每勸其公忠體

人原聰明能知改勉即是矣
國近日該司稍知自勉但恐出於生性終不能全去

病根也於臣具

奏陞任按察使彭維新條內欽奉

諭旨彭維新氣質和平資性明敏洵屬好材品但恐立志未堅不能擺脫科甲積習尚欠琢磨之功欽此仰見

皇上洞鑒肺腑實在立志未堅尚欠琢磨之功至於科
果若斯則善矣甲積習臣見其外貌凡與科甲出身之員竝無瞻

不妥

徇與前魏定國前於萬壽節來京應對之間委屬按察使魏定國有霄壤之別但隱微實非

殊覺陰點虛偽之至

臣所能知該司赴浙江新任於其起程臨別之時

臣曾執手暗囑令其勉力圖報

聖恩萬不可瞻顧同門同年師生私意有負

好

高厚該司亦甚以臣言為是於臣具

奏新任按察使李秉忠條內欽奉

諭旨所奏甚是原係庸平才具第取其胸襟淺直且甚顧惜顏面朕亦慮伊不勝臬司之任姑試用之耳欽

此臣查李秉忠為人忠直和平聽其語言亦屬明

未諳

白但初膺外任而臬司又為通省刑名總匯律例

豈有

尚未_{律例難稱提刑之任自當另用通省政務殷繁汝}知曉民命攸關最宜詳慎臣當竭力勸勉令

其細心學習庶或無誤於臣具

奏驛鹽糧道楊夢琰條內欽奉

諭旨朕欲命伊久歷此任且不擢用以老其才今爾所

奏殊未了然明晰或言此任亦弗克勝耶欽此臣查

河南糧道一缺雖管糧鹽驛站并分守三府五州

地方然事尚屬清簡楊夢琰尚可勝任伏讀

皇上朕欲命伊久歷此任且不擢用以老其才之

諭旨仰見

聖明洞鑒昭如日月該道肯讀書遵例不任一已私見

若教

則所行自無悖謬惜固執性剛自以為是且瞻顧

而不改其素以聞同門同年私情亦不能免於臣具

奏分守河北道朱藻條內欽奉

諭旨多方開導之可也欽此臣遵即諄切開導令其立

好

定脚跟風波無恐只在自信二字母惑人言稍為
改易彼亦涕泣感激

皇上天恩於臣具

奏管河道祝兆鵬條內欽奉

諭旨此人原無足取外貌可觀中殊不然實非大器已
將伊記名止於府道階級所奏與朕意相符矣兼恐
其於河道一任尚有出入欽此仰見

皇上至聖至明臣惟有加謹查察是但該道居心凡事類

多瞻徇惟圖支吾完事且不能克去已私未免偏
於好惡於臣具

奏南汝道孫蘭芬條內欽奉

於此一任尚屬克稱

諭旨孫蘭芬一片婆心情性太急亦終非大器欽此仰

見

皇上天縱聖明洞鑒肺腑於臣具

奏開封府知府陳世倬條內欽奉

諭旨陳世倬朕頗重之而漢人中每多不足於伊諒係

與陳世倌判然兩途之故其才力甚有可取然大任
恐難深信司道以下綽有餘裕者也又奉

諭旨恢恢遊刃又奉

諭旨實有其能又奉

諭旨從來如此又奉

諭旨形容逼肖其人心能如是則為可用之器矣又奉

諭旨爾之屬員縱有萑菲之言達於朕耳斷無不向爾

察詢之理他人何能中傷欽此我

皇上評定羣臣如鏡鑒物秋毫莫遁臣細察陳世倬雖
係陳世倬堂兄其居心行事實屬兩途臣亦素知
該府為漢人所不足之故實因該府不瞻徇年誼
臣曾據該府口稟通政使繆沅係該府同年曾說
該府惟將幾箇同年送臣叅劾以結臣歡心他如

今還認得點年誼麼等語可見科甲積習蒙
陳世倬原好漢臣中似此實心任事者頗少大抵肯實
皇上諄諄訓飭固結甚深終不少解至該府為人才智
心任事逆不為同類所取不知何故然觀漢臣中之實
有餘而意氣亦時所不免臣惟有竭力勉勗使之

心任事者每欠涵養之功率具狂傲之性亦屬大奇
抑過就中實可用之材也於臣具

奏河南府知府張漢條內欽奉

諭旨果爾亦可謂賢太守矣又奉

諭旨朕不記憶其人才之長短殊未深知欽此臣查張

漢原係翰林蒙

皇上簡授知府質學兼優才智稍絀內則翰林外則事

一府之事猶能了否

簡守巡道員是其所宜所有奉到

硃批諭旨理合恭摺覆

奏仰祈

聖鑒謹

奏

覽奏俱悉

雍正五年十二月初十日河南總督臣田文鏡謹

奏恭請

皇上聖安

朕安

往復推遷歲聿云暮荷蒙

天地眷祐

聖祖恩慈四季安平較前更勝夙夜循省何德以堪仰承
俯協且欣且懼

同日又

奏為恭逢

正旦令節普天同慶事欽惟我

皇上

德媿乾坤

道隆叅贊

撫辰出政千百國共沐恩膏

握紀數猷億萬年永綿歷數

景福與年華而共茂

弘庥偕歲序以俱新臣恭遇

熙朝欣逢

令節觀陽春之普被抃舞彌殷慶化日之舒長賡颺

恐後伏願

乾行日健

泰運弘開

治躋時雍玉燭常調乎有道

化臻風動金甌永固於無疆臣無任瞻

天仰

聖踴躍歡忭之至為此謹

奏

三元肇慶喜逢宇宙遍融和萬物維新遙矚江山增秀
麗顧茲黎庶共躋春臺凡百臣工同膺景福朕意如斯
而已矣

同日又

奏為恭報瑞雪仰祈

睿鑒事竊查豫省自雍正五年入冬以來共得瑞雪三
次俱皆積厚普遍業經臣節次恭摺奏

聞今又於本年十二月初五初六等日同雲密布瑞雪

繽紛黃童白叟共慶豐年巷舞衢歌咸蒙

聖德臣職任封疆幸逢嘉會歡忭之下復不勝凜惕所
有豫省復得瑞雪日期理合繕摺具

奏

聖懷謹

奏

瑞雪頻霑歌豐預兆我君臣真堪共慶也

硃批諭旨卷一百二十六之十一

欽定四庫全書

史部

硃批諭旨卷一百二十六之十二

臣
永瑤恭校

編修
臣裴謙覆勘

總校官中書
臣朱鈴

校對官中書
臣王鍾泰

謄錄監生
臣戴璵

欽定四庫全書

硃批諭旨卷一百二十六之十二

硃批田文鏡奏摺

雍正六年正月十一日河南總督臣田文鏡謹

奏為欽奉

聖訓據實覆奏事雍正五年十二月二十二日臣齋摺

家人回豫捧到

皇上硃批臣摺於臣覆

奏布政使費金吾條內欽奉

諭旨人原聰明能知改勉即是矣欽此仰見我

皇上知人善任超越千古臣惟有竭力勸勉令其痛自

悛改而已又於臣覆

奏陞任按察使彭維新條內欽奉

諭旨果若斯則善矣欽此又於臣具

奏按察使魏定國條內欽奉

諭旨魏定國前於萬壽節來京應對之間委屬不妥殊

覺陰黠虛偽之至欽此臣查魏定國居心狹詐行事
剛愎且凡遇科甲出身之員類多瞻徇臣伏讀

諭旨仰見

已違犯功令自陷大案矣奇哉

聖明洞鑒纖毫不爽又於臣覆

奏按察使李秉忠條內欽奉

諭旨未諳律例難稱提刑之任自當另用通省政務殷
繁汝豈有暇為訓蒙塾師耶欽此臣伏查按察使一
缺關係綦重今蒙

實甚相宜皇上天恩將李秉忠調補杭州織造殊屬人缺相宜即

如巡察戶科臣張元懷蒙

皇上陞授廣西按察使臣查張元懷在豫兩年於刑名

事件著實留心學習近亦諳練且為人忠實和平

廣西

緊要已有旨矣

以之當明刑弼教之任臣深為全粵官民慶也又

於臣覆

奏驛鹽糧道楊夢琰條內欽奉

諭旨若教而不改具奏以聞欽此臣查該道洵屬實心

任事之員若委以一差一事彼亦勞苦不避惟不

諳經

新任於伊亦屬相宜之甚

國猷為一任書生意見無之性情褊急辦事尚欠周

到今奉

諭旨謹當竭力教導令其自勉若始終不改臣再據實
奏

聞伏候

聖裁又於臣覆

奏南汝道孫蘭芬條內欽奉

諭旨於此一任尚屬克稱欽此臣查南汝道一缺孫蘭

芬實能勝任又於臣覆

奏開封府知府陳世倬條內欽奉

諭旨陳世倬原好漢臣中似此實心任事者頗少大抵肯實心任事遂不為同類所取不知何故然漢臣中之實心任事者每欠涵養之功率具狂傲之性亦屬大奇欽此漢人多由科目每以年家世誼師生情分

為重一有瞻徇之私即萌退諉之念是以實心任事者絕少其人至於欠涵養者學問未到多狂傲者生性過剛皆於事無濟惟仰藉

聖明知人善任而已又於臣覆

奏河南府知府張漢條內欽奉

聖諭一府之事猶能了否欽此臣查河南一府統轄十一縣地方極為遼濶張漢惟優於德而絀於才到任以來不過奉法惟謹而已於府任原未甚宜臣

已悉

是以請將張漢內則補授翰林以展其學問外則補授事簡守巡各道以資其表率自必更能勝任也所有奉到

皇上硃批諭旨理合恭摺覆

奏仰祈

聖鑒謹

奏

覽

同日又

奏為欽奉

聖訓據實覆奏事雍正五年十二月二十九日臣家人

齋回臣恭請

聖安摺內欽奉

諭旨朕安往復推遷歲聿云暮荷蒙

天地眷祐

聖祖恩慈四季安平較前更勝夙夜循省何德以堪仰承

俯協且欣且懼欽此又於臣恭賀

正旦令節摺內欽奉

諭旨三元肇慶喜逢宇宙遍融和萬物維新遙矚江山
增秀麗顧茲黎庶共躋春臺凡百臣工同膺景福朕
意如斯而已矣欽此又於臣恭報瑞雪摺內欽奉

諭旨瑞雪頻霑歌豐預兆我君臣真堪共慶也欽此仰
惟我

皇上敬

天故

天心默佑

皇上法

祖故

聖祖垂休

福耀光昭合之四時而皆吉

乾行日健較之往歲而更安臣欽承

諭旨不勝歡忭臣查豫省又於雍正五年十二月二十

九三十等日復降瑞雪積厚自三四寸起至五六寸不等四野均沾高下普被士農工賈咸謂豐年有兆莫不歡欣踴躍感激

皇仁合將原摺一併恭繳謹

奏

去冬之雪接續頻仍豫地固屬優渥而直省亦普蒙霑潤誠可謂浩蕩

天恩朕心曷勝感慶而倍加敬畏靡已也

雍正六年二月初三日河南總督臣田文鏡謹

奏為遵

旨密議據實覆奏事竊臣於雍正五年十二月初十日
接准怡親王暨戶部尚書臣蔣廷錫來字內開雍
正五年十一月二十八日奉

上諭爾等可密寄信與河南山西山東三省督撫每省
於步兵內挑選二十人以備明年秋冬調遣其人須
揀老實壯健不必長於弓馬但可以備駕車開墾等

事之用者若步兵不足即於馬兵內挑選著三省督撫密密會同商議辦理此所挑兵丁在外差使大約以二十箇月內外為期其應給安家之費及行裝衣服等項俱令該督撫富足給與至起身之後自有官給錢糧此信到日著伊等預先密為料理一切俟明年諭旨遵行欽此又於雍正五年十二月二十二日接准怡親王暨大學士臣張廷玉戶部尚書臣蔣廷錫來字內開前所寄挑選兵丁之信原奉

上諭有不必長於弓馬但能演放鳥鎗并可以備駕車
開墾等事之用者寫信時少寫能演放鳥鎗字樣
茲特再信知照總督可密行會同山西山東巡撫
遵奉挑選可也奉此臣遵即先後密行寄字與山
西山東二省撫臣會商在案茲臣伏查豫省奉撥
之兵擬於臣標內挑選二百名南北兩鎮標內各
挑選九百名以足二千之數除弓馬不必論其優
長外務期能演放鳥鎗并老實壯健可以備駕車

開墾等事之用者但為期尚早未敢預洩臣惟面
囑兩鎮令其密行挑選造具花名清冊存案俟欽
奉

諭旨到日敬謹奉行至於安家銀兩臣謹遵以二十箇
月內外為期之

聖諭每名酌給銀三十兩已比月糧量加盈餘俟臨行
時如數封發各營使與挑之兵用度饒裕咸知

皇上恩恤其家一至如此之厚途中自必更加勇往但

銀兩到手又恐易於花消俾二十箇月內家口乏

用似應分作四分臨行時先給一分將三分當面

思慮

封貯公所去後五箇月令其家屬再領庶行者居

者之心均可以相安而不致懸念矣其各兵行裝

衣服等項臣查行裝可以畫一製備而衣服必須

此數

照其身軀分別肥瘦長矮似不便官為製給今擬

於安家銀兩之外每兵再給銀十兩將應用行裝

衣服逐件開單一併給發令其自行製備完畢仍

令照單送驗庶易於完備也再查兵丁各有鳥鎗
弓箭腰刀等項器械似應令其隨帶而行以備臨
時操演至於盔甲旗幟似可不必帶往其所需鑼
鍋帳房應照營內定制每兵五名共給各一件每
兵五名再買備馱騾二頭鞍架俱全以負載行裝
等物至所挑之兵俱屬步兵似可無庸給與馬匹
騎坐臣再查兵丁係各營挑選彙集若不委官管
領任其散行恐途中不能遵守紀律似應照依營

中舊制預行酌量派委平日管轄之官或遊擊或都司或守備并千總把總領旗等數員率領前行

不但到彼處地頭或令其交明彼處該管將官使各員
管轄二十箇月而已直須派委將備帶領兵丁董
即回原任或竟令其管轄至二十箇月後掣回之
任其事今此寄信專為預備兵數至於選派官弁臨期
自另有時率領各歸營伍其領兵各官之路費銀兩伏候
諭旨到日臣再查其品職大小路途遠近時日久暫酌
到齊之日遵照而行
量分別給與緣係欽奉

上諭會同三省督撫諸臣密商事理合將商議辦理情

形先為恭摺密

奏但臣等智識短淺是否合宜伏乞

皇上訓示遵行謹

奏

覽

同日又

奏為恭報雨澤仰慰

聖懷事竊查豫省自雍正五年入冬以來屢得瑞雪經

臣節次恭摺奏

聞今據各屬具報於雍正六年正月十二十八等日春
氣融和蒸成膏雨自三四寸起至五六寸不等通
省均沾高下普被從此五風十雨年穀順成千倉
萬箱黎民樂育臣生逢

盛世幸際

昌期歡忭之餘愈深敬畏所有豫省得雨日期理合
繕摺具

奏恭慰

聖懷謹

奏

覽奏得雨日期深慰朕懷

同日又

奏為錢價之不平有由小民之銅器有限收銅之法
則宜分仰祈

睿鑒事竊照制錢係流通

國實民所必需銷燬則罪在當誅法所不赦我

皇上念切閭閻務期錢文日多錢價日減以便民用恐
無知小民將制錢私燬打造黃銅器皿屢頒

上諭禁止藏匿私用復發帑收買并准民間交納黃銅
器皿抵作正賦錢糧著戶部詳議具奏等因欽此仰
見我

皇上欲求錢文豐裕使小民易於資生免致乏用諄切
詳明至三至四務令法在必行事期有濟臣荷蒙

皇上殊恩畀以封疆重任敢不仰體

天心實力奉行但

皇上為民裕用之

聖諭久已宣布民間無不共仰而閭閻市井鄙瑣委曲

之民情不能上達

九重以供採取此即臣子之罪臣既有所知乃畏懼隱

在爾自應盡心剖析詳細敷陳然朕若燭理既明見事

忍不條分縷析敬陳於

已透計畫一定不復游移所奏逐條批示矣其詳聞之
皇上之前不惟臣身所不敢居亦為臣心所不敢出臣

請為

皇上敬陳之

一錢價之不平有由不盡在於銷燬也臣查制錢雖不盡在銷燬而銷燬之禁安可不嚴雖為流通之寶但欲其散布民間到處充盈不得

不藉於錢桌之販運至於錢桌販運原為圖利利之所在人方爭趨錢止數千尚可手提肩負多則須騾馱車載矣水路則須舟船裝運矣其腳費皆錢桌所出猶有串索麻斤人工飯食店租牙用俱

所不免由寶泉寶源二局出而散之於京畿由京
為因銅少各省不能鼓鑄今收買銅器正欲令普遍開
畿而至各省由各省而至各府州縣由府州縣而
爐之故鼓鑄漸多則錢文日富矣

至大小村莊經由幾人更換幾手莫不從中取利
而利即在此錢文之中譬如以銀一兩易錢一千
換之於彼即權子母必不肯聽彼仍以銀一兩易
錢一千矣再易一手其利即倍夫

國家制錢每一千文作紋銀一兩無人不知然小民
散處各省不能盡赴寶泉寶源二局以銀易錢是

錢桌

多則

所以

間之

立法

嚴飭

降諭

非錢桌販運決不能使錢文流通若中無利息又
與米舖事同一體採本尋源而論總緣錢文不多
不能使錢桌販運錢桌惟利是圖斯不顧小民之
其價何至日昂
艱難而錢價日昂矣臣嘗留心體察從前錢桌俱
有各種雜錢且不便嚴禁者正為制錢不敷恐致民
用耳候制錢克足時然後將雜錢作何禁止另行
私鑄也其錢鉛多銅少較之制錢小而薄難加
磨礪內多穿眼所謂錘扁者何即從前京墩小錢
其非職此之由也近因滄州拏獲私鑄姦徒隨復
兩文始作制錢一文攙雜使用其錢小於制錢故
姦徒錘之使大與制錢等小錢一文竟作制錢一

暫緩

收買之銅器

且禁濫鑄之私錢

始寬行使之私錢

文也此一項錢大約用銀六錢即可換一千錢

經云

物有本末事有終始知所先後則近道矣爾等惟

宜遵

諭而行天下錢法將來朕必料理使其就緒

沙板

民換去亦得行使錢價反得少平今將沙板錘扁

一

概剔清不用則錢桌淨換制錢其價更貴即以

豫省而言省城換錢紋銀一兩得換錢九百三十

文省城之外即便減去遞推遞遠至外府州縣村

莊每逢集期始有錢換一兩紋銀不過換錢九百

率由

錢少之故

一二十文不特此也又有紳衿富戶平日或糶糧

食或收花利俱係錢文自數十千至數百千不等
藏之於家經年累歲不即發換直有貫朽索壞者

或埋入土窖之中竟不動用者且謂收銀不如收
類斯俱屬末節且亦難以法繩譬如困戶窖米其情之

可惡錢收錢可以防盜蓋因銀貴而體輕一人可攜數
百兩錢賤而體重十人不能攜數十千故也又鹽

錢一少百弊皆集矣
商當舖各字號大店積錢亦多當舖即作當本零

星押出比換錢更貴鹽商字號大店之錢竝不零
換必須錢桌整兌價銀一總發運流通不速而錢

此項過在爾等大吏執令勿易銀收貯即況有能積幾何

應入官贓錢寄貯庫內即不取用又不換出積錢

亦多再無知小民因與人角口一時氣忿竟將所

持之錢或撒之於屋上或投之於水中不知

國家鑄錢幾經費手而後成乃一旦棄擲於不可復

出之處此亦足以耗廢錢文者不可不禁臣請

錢未克足諸法聚不宜行待制錢價銀每兩一千時自

有裁酌之道

擡時價并飭紳衿富人大商大賈不得堆積錢文

與不令害理銀米無異均為法所難施

經久不行發換凡有入官贓錢俱即易銀貯庫如
與人角口使氣將錢文拋撒屋上水中者告發到
官先責其拋撒錢文之罪再理曲直如此立法亦
平錢價之一助也

一小民之銅器有限宜專責之官紳富戶也黃銅
器皿除樂器天平等子法馬五斤以下之圓鏡不
禁外其餘銅器民間槩行禁用臣查小民之家所
用不過碗大銅鏡又在不禁之內外則不過洗面

之盜銅鎖煙袋鈕扣等件而已至於別項器皿非
富戶不備臣嘗見巨室富家其門環門轉與夫木
器之箍錠包鑲俱用黃銅誠不可以不禁但禁止

之法止可令其現在不敢打造增添不能令其將

朕經

屢諭甚明

從前所有之銅器交官出賣蓋古銅等物及已成
之器人多愛惜而下此零星小物分兩不重又難
交官若挨戶搜查未免滋擾如勸令交官則多觀
望且官紳富戶俱係深房大屋內中私自擅用鄉

地鄰佑不但無從而見并無從而知更有一等無
知之人但知愛物不知畏法因家道富足日用不
乏不專等此銅價買備什物將舊有黃銅器皿悉
行藏埋不用亦不交官惟另置別銅器皿以為吾
已遵法此誠法有所不能及者臣查此等之人家
藏黃銅器皿止可掩瞞外人不能欺其僕婢臣請
如何其可若是則啓亂端矣所以前論但令切禁打
定例凡藏匿黃銅器皿者許其僕婢出首地方官
販賣勿使收買過嚴也只此收買新例尚恐宵小
立即查起銅器皿果有確據將本犯照違禁律治罪

騷擾

長姦興訟再增此條其害寧有紀極將見遍天下

有職役者叅咨革斥其出首之僕婢不論典身賣

莫非

銅案矣斷斷不可

身俱不追原典賣身價將文契追出即准釋為良

民如無確據仍照誣告家主律治罪如此立法則

官紳富戶所用奴僕衆多人心難測恐其出首必

盡將銅器交出官買領價或不敢於藏埋觀望矣

一收銅之法則宜分未可額定一例也蓋黃銅有

於此

等處亦曾詳細論

打銅鑄銅之分有古銅廢銅之別從來民間市價

貴賤不同打銅純銅無鉛即所謂熟銅也鑄銅則

攙和鉛觔性砂而硬即所謂生銅也至於古銅則
光怪陸離發成斑點此等器皿其價原貴傳代已
久或為民間世守之物自應免其交官又有一種
雖係近日打造器皿然精巧完固竝無磕跌破損

類斯器皿何必廢毀不但本人愛惜即收買之官獨具
當日買時價亦不賤既成器皿人多護惜原與廢
銅不同一旦令其照廢銅價值交官小民奉公守
何心而忍廢毀之乎凡此皆緣汝等大吏未曾聯意所
致沉近有論專為持法過刻奉行不善而發曷乃反以
乎不忍棄捨者若夫已經磕跌破損器皿止可作

此奏

朕即

廢銅交官小民亦屬情願但廢銅之內又有分別

其自數觔以至數十觔重大器皿交官不難官為

稱收發價亦易至於零星銅器如煙袋銅鎖鈕子

帶扣等物聚之一處則多而重分之四散則少而

輕小民即欲交官而一家銅器有限輕不過數兩

重不過觔餘豈肯跋涉遠送至官即官亦不暇計

地方

有司選差安役就詣閭閻與之交易何費躊躇之

有

銅每觔一錢一分九釐九毫二絲生銅每觔九分

五釐九毫四絲四忽雖分別二等價值但黃銅水

色亦與金銀相似內有十成九成八成七成之分

此等處亦曾慮及再三斟酌而後定議止可僅償其值

而已重價利民民固悅服又恐姦狡之輩與心設謀希

覬覦斷況收銅鑄錢本為百姓之用起見不與以值而

禁之亦可愚蒙無知奚能滿其所欲宜諄委各屬多方

勸諭欽令知曉於部價之外量增一二分至生銅未成器皿止係

銅板銅餅即已成器而新造不堪者即宜防其係

銷燬制錢所鑄收銅各官便當加意盤詰照成色確估并不宜給以部定之價尚須核減一二分方可以杜絕銷燬制錢之弊其零星銅器小民難於交官者或阻於路遠而不能來或畏懼官衙而不敢來其銅雖屬無多若仍留之民間不盡交官則民間仍有黃銅器皿以致新舊混淆無從識別非法之良臣查地方官編查保甲勢必親至其地挨門逐戶查點臣請行令地方官攜帶銀兩乘便就

原應

隨宜乘便辦集其事實心奉職之員定然如此行

也

近交買。不論兩數觔數黃銅俱按照分兩成色給價如此行之又未必非收買銅觔之一助也臣受恩深重力圖報效不揣冒昧敬獻芻蕘是否有當伏乞皇上睿鑒施行謹

奏

念汝條分縷析獻言之誠朕詎惜筆墨之勞不以諄諄示汝總之除遏止販賣銅器杜絕銷燬制錢察緝私鑄外其餘要在因地制宜相機時措庶幾情法兼到近來

錢法甚有徵效京師目下市價每銀一兩可易九百餘文矣俟各省購辦銅觔饒裕一同鼓鑄制錢十分充足時再將雜錢徹底沙汰則私鑄之弊不禁自息矣爾等直省督撫但恪遵諭旨實力奉行數年後可冀錢法大清若汝等泛泛從事則朕不敢言其必效也

同日又

奏為遵

旨恭

進

御覽事竊臣奏請進

呈宣化錄一摺奉有

硃批諭旨臣跪讀之下不勝歡欣感激隨即敬謹刷印

裝釘恭呈

睿覽伏念臣一介庸愚毫無知識蒙

聖主天恩畀以封疆重任五年以來無事不仰蒙

皇上諄切教導雖臣錄中所載悉本

皇上之聖訓奉宣

皇上之聖化但言詞俚鄙文義粗疎實不足以仰體
天心恭為闡發伏乞

皇上宥臣之愚寬臣之罪

特加訓示俾臣得有遵循免致隕越則感沐

聖恩永無紀極矣遵將宣化錄五冊敬謹隨摺恭

進仰祈

睿鑒謹

奏

冊留中政務餘暇覽畢有旨

同日又

奏為恭報馱騾解足日期仰祈

聖鑒事竊查豫省應買馱騾三千匹業經臣將辦理起解情形恭摺具

奏今查據開封等八府汝陳等七州并所屬各州縣共購買馱騾三千匹自雍正五年十二月二十六

日起至雍正六年正月十五日止委官懷慶府通判高士鑰等陸續起解俱已截數解足臣查所解馱騾極其臆壯均堪負重致遠且臣再查各屬莫不奉法急公爭先購買並無絲毫擾民歡聲載道此皆仰蒙我

皇上體恤臣民周詳

訓示之所致也除動用過銀兩數目容俟解員掣獲批收回省之日臣另摺具

奏外所有解足馱騾日期合先繕摺具

奏仰祈

聖鑒謹

奏

又被屬員欺瞞矣據岳鍾琪奏稱豫省之騾已駁回不堪應用者凡幾移咨到日爾自知也

同日又

奏為遵

旨酌增各官養廉以廣

皇仁以勵廉節事竊查豫省大小各官仰蒙

皇上天恩概行賞給養廉以資薪水此誠千古帝王從

來未有之

曠典也臣於雍正五年六月二十日具

奏雍正四年分動存耗羨銀兩數目欽奉

諭旨耗羨既積蓄如是饒裕則當酌量增添屬員養廉

俾得寬舒等因欽此仰見我

皇上體恤臣工無微不至臣伏查各官養廉除臣衙門
暨學臣并司道各府以及同知通判等官俱已足
用無庸議加外惟河北道衙門係新經復設諸凡
未備前蒙

皇上天恩允臣所請賞給養廉銀四千兩比各道多給
銀一千兩現今諸事將次完備應俟領足一年至
雍正六年四月止減去一千兩與糧河各道一例
支給養廉銀三千兩以示畫一至於直隸知州暨

各州縣養廉今既荷蒙

聖恩令臣酌量增添臣敢不竭誠仰體悉心斟酌臣查直隸州七員前議支給養廉銀各一千五百兩今再加銀三百兩每員給銀一千八百兩府屬知州并大縣前議支給養廉銀一千兩今再加銀四百兩每員給銀一千四百兩中縣前議支給養廉銀八百兩今再加銀四百兩每員給銀一千二百兩小縣前議支給養廉銀六百兩今再加銀四百兩

每員給銀一千兩以上直隸州知州七員府屬知州四員大縣三十六員中縣五十員小縣十員每年共應加養廉銀四萬二千一百兩可否自雍正六年正月初一日為始照數按季給領伏候

聖裁抑臣更有請者直隸各州州同州判管理屬縣捕務定例俱照府同知通判一例督緝叅罰綦嚴至於縣丞吏目典史等官分理水利糧捕稽察地方保甲日奉差遣奔馳其餽養騎坐牲口并主僕衣

食在所必需臣於雍正三年三月十七日曾經恭摺具

奏欽奉

硃批諭旨此等作為在爾地方督撫大吏斟酌可否耳朕不便特諭意謂佐雜微員百人內未必有一二卓越者與其培植若輩莫如加增州縣養廉俾得從容展舒況從前已降恩旨命微員俱得一例卓異保舉正當觀其涉歷清苦果否砥礪志行安分固窮若於

其中拔出數員始可為真實材具今照所奏量加資助此際自當感激思奮強勉修飾恐進階之後未必不隨境遷移也斯論未免稍近於刻爾等試細加籌度毋即以朕諭為是遂乃中止也又奉

諭旨更慮者此非止行豫省之事倘遇他省耗羨不敷將從何分惠亦不得不一思及至於直隸各州縣有承督盤查親民之責增給之議實屬允協欽此仰見我

皇上至聖至明無微不照臣亦何敢再為

奏請上瀆

宸嚴但臣伏查司府首領各學教職并巡檢驛丞稅大使司獄等雜職竝非親民之官又管河縣丞主簿均係自備資力在工效用無缺可選之員河臣委其署理丞簿事務已屬望外且保固三年工程平穩即有議叙陞補之例均無庸議給外惟是直隸州州同州判又直隸州吏目并府屬之州同州判

吏目各縣之縣丞典史俱有承督盤查親民之責
請將直隸州州同州判每員量給銀一百二十兩
其餘各官每員量給銀八十兩以上直隸州州同
一員州判六員吏目七員府屬之州同一員州判
三員吏目四員縣丞十員典史九十七員每年共
應加養廉銀一萬六百兩倘蒙

聖恩俞允彼必益知感激勉作好官而於吏治民生不
無裨益矣臣不揣冒昧再為繕摺一併

奏請是否可行

弘恩出自

聖裁謹

奏

州縣等官原命爾增添養廉佐雜微員涉歷清苦之論
原云稍近於刻命爾再加籌度今覽所議甚屬公當照
此施措洵屬允協目下且試行看若果耗羨尚能豐裕
又可接續議加天下事惟患不克公與平耳如能公平

則上下斷無不足之理語云百姓足君孰與不足一有過不及之偏遂滋足不足之弊於此須要見透

天之賦物鴻纖鉅細長養亭育莫不俾各遂其生各安其分弗令少有缺陷也凡出身為吏者倘於莅政臨民之際而以侵上剝下為務至上下不足時能保一身之足乎即如國家若不恤民節用而惟奢侈是尚馴至民窮財盡政教摧頽而欲長享豐亨豫大之慶豈可得乎推而廣之其理同然朕時時以公平二字奉為繩墨惟恐

或失

雍正六年二月十二日河南總督臣田文鏡謹

奏為恭報普得雨雪日期仰慰

聖懷事竊查豫省於雍正六年正月十二十八等日所

得雨澤業經臣恭摺奏

聞今又據各屬報稱於本年正月十九二十二二十三及
二月初四等日或頻降瑞雪或復得時雨通省之
中周流輪轉極其普被入土自三四寸起至五六

寸不等土膏滋潤麥苗長發豐年有兆童叟歡呼
此皆仰蒙我

皇上至誠至敬上格

天心之所致也臣職任封圻不勝歡忭敬畏之至所有豫
省復得雨雪日期理合恭摺具

奏仰祈

聖鑒謹

奏

此摺到時正值甘霖下沛覽畢不禁以手加額叨沐

上天洪仁

聖祖慈佑春氣融和土膏霑渥朕五內感慶筆莫能宣惟期共卿勉之又勉耳

同日又

奏為欽奉

聖訓據實覆奏事雍正六年正月二十八日臣齎摺家人回豫捧到

皇上硃批臣摺於臣覆

奏前按察使魏定國條內欽奉

諭旨已違犯功令自陷大案矣奇哉欽此臣與魏定國

共事之日雖淺然臣觀其人諸事不諳不但狂妄
無有市井無賴習氣自是抑且險猾異常終不能逃於

皇上睿鑒可見

聖明之世無所容其詐偽也又於臣覆

奏調任按察使李秉忠條內欽奉

諭旨實甚相宜又於臣具

奏巡察戶科

臣

張元懷條內欽奉

諭旨廣西緊要已有旨矣又於臣覆

奏驛鹽糧道楊夢琰條內欽奉

諭旨新任於伊亦屬相宜之甚欽此仰見

皇上知人善任罄無不宜臣遭逢

聖明不勝慶幸至於糧道一缺又蒙

皇上將開封府知府陳世倬陞補該道係革職之員蒙

皇上天恩不加罪譴仍以知府擢用不及年餘復陞補
糧道不但該道感激涕零即臣亦深沐

恩賜之榮莫知所報矣合將

硃批原摺恭繳仰祈

睿鑒謹

奏

陳世倬當極加勗誠訓導上以全朕用人顏面下以杜
衆讒毀語言若不奮勉自強殊非戴髮含齒之類矣朕

亦豈肯輕恕即以此利害二途諭伊深思審計孰與已身損益耶

雍正六年三月初四日河南總督臣田文鏡謹

奏為恭報復得雨雪日期仰慰

聖懷事竊查豫省自入春以來雨雪應時均沾普被業

經臣節次恭摺具

奏今又於本年二月初七初八十五十六二十一二十
十二二十八等日或雨或雪輪流普降入土自四

五寸至八九寸不等四野沾濡二麥滋長現今麥
苗已長有七八寸不等從此豐年有兆人在

堯天舜日之中童叟歡呼共慶千倉萬箱之樂矣所
有豫省復得雨雪并二麥暢茂情形理合繕摺奏

聞謹

奏

覽奏雨雪應時均沾麥苗滋長暢茂今春直隸亦然朕
不勝上感

蒼昊恩施下為吾民稱慶也惟期與卿勉之益勉敬之愈敬寧敢稍肆厥志乎

同日又

奏為欽奉

聖訓據實覆奏事竊臣前具恭報馱騾解足摺內奉有硃批諭旨臣伏念軍需馱騾關係重大是以於發銀買辦之時即嚴飭各屬務選臚壯結實可以任重致遠者令其解赴省城先委府廳逐頭挑驗合式然

後解赴臣衙門臣復會同司道暨在省府州每日
逐頭親視驗烙其中稍有瘦弱者臣即令解役領
回另買起解實係盡皆臙壯堪用之騾臣實未嘗
被屬員所瞞也及至委官懷慶府通判高士鑰領
解之時臣又令其再加驗明該通判回稱騾頭盡
屬臙壯如稍不合式解官亦不敢輕易領解不期
解至西安即據通判高士鑰稟稱係川陝督臣岳
鍾琪委西安布政使張廷棟驗收云此番馱騾係

轉解甘肅撫臣莽鵠立驗收運糧之物不敢不慎等語蓋有盡美又求盡善之心又稟內有十三歲以上者以為老而不收四五歲以下者以為小而不收又有下牙包上牙者名曰地包天不收驕驪不淨者不收五分之一中退出一二分不等未免過於吹求等語臣據稟不勝駭異以為事關軍需臣豈敢以不堪驪頭支吾搪塞今西安既有挑不合式者即應移知到臣以便另行買補解足庶幾無

誤二月解足嚴限臣即一面復動公項銀兩另行
買補一面據稟移查川陝督臣岳鍾琪西安撫臣
西琳令將挑下數目移知買補去後自臣咨查到
陝之後聞督臣岳鍾琪將解到各起騾頭俱行親
驗又解官高士鑰將豫省挑下騾頭呈驗復經驗
收十分之三四足見督臣至公無私似此和衷辦
理大事方克有濟臣不勝佩服之至臣因騾不合
式即當另買尚不致有誤軍需係臣子當悉心辦

理之事何敢冒昧瀆

奏不期督臣岳鍾琪見臣咨查即行奏

聞此亦慎重軍需之意今臣查豫省應解馱騾三千頭

岳鍾

琪已解收過二千六百餘頭止欠三百餘頭已據各

屬陸

續解赴西安補完可以無誤二月解足之限

統俟委員掣獲批收回省之日臣再另摺奏

聞所有奉到

硃批諭旨理合據實覆

奏仰祈

睿鑒謹

奏

其中情節已悉

同日又

奏為欽奉

聖訓據實覆奏事竊臣於雍正六年正月二十六日接
准怡親王暨大學士張廷玉戶部尚書蔣廷錫來

字內開雍正六年正月十一日奉

上諭朕屢降諭旨禁用黃銅器皿者蓋欲杜煨錢製器之弊至於銅器之中有海洋日晷儀器之類則造自外國有古銅香爐花瓶之類則造自前代並非近日民間鑄成之物若將此等物件亦令銷燬實屬可惜民間亦覺滋擾大非禁用黃銅器皿之本意又如鎖鑰及櫃箱上事件之類其物甚微用銅有限只令其不販賣而已人家現有之物若悉令禁止搜索民間

甚為不便且或胥吏借端生事總之奉行此事務須
該督撫等督率有司悉心酌量權衡合宜行之有法
則銅餉充盈而民間無禁銅之累方能永遠奉行也
今觀直省督撫一切禁約非過則不及奈何朕若明
降諭旨恐不肖之人又藉此玩法而督撫難於奉行
矣爾等可寄信與各督撫知之欽此到臣仰見我

皇上軫念民用

睿慮周詳無微不至臣遵將奉到

諭旨敬謹寫錄奉藏另文通飭各屬宣布

皇上禁用銅器無非欲杜燬錢製器之弊俾令錢文日
多錢價日平利益民用之至意惟嚴行查拏銷燬
制錢之人并禁各工匠舖戶不許打造黃銅器皿
販賣至民間舊有銅器應交官者聽其自行交官
照部定價值分別收買并不許胥役鄉地人等借
端生事在案又於雍正六年二月十二日臣家人
齎回臣條

奏收買銅器摺內荷蒙

皇上硃批逐條

訓諭示以輕重緩急先後本末之宜開導臣愚如啓聾

賸臣細繹

聖諭此誠清本澄源之至論酌盈劑虛之大經蓋嚴禁
銷燬制錢則錢文自多嚴禁販賣銅器則銷燬自
絕嚴禁私鑄錢文則黃銅自積不數年而便可以
各省共開鼓鑄制錢流通者多錢價必平諸弊盡

絕矣如臣之愚但知兢兢奉法豈能見及如此遠
且大者臣惟有謹遵

諭旨實力奉行飭令屬員多方勸遵并敬將

皇上硃筆圈出者另作公文行之各屬共期緩急得宜
先後有序不寬不擾以仰報

天恩於萬一耳所有奉到

聖諭理合恭摺一併覆

奏仰祈

睿鑒為此謹

奏

覽

豫省收銅堪敷開爐鼓鑄時奏聞請旨

同日又

奏為遵

旨奏

聞事竊照收買黃銅以為鼓鑄之基克盈

國寶以利民生之用我

皇上籌畫精詳無微不至復頒

諭旨著各省督撫設立公所於屬員中揀擇廉謹老成
之人專司其事在司庫先撥數千金以為價值將所
買銅器觔兩每年歲底奏聞其所發價值報部奏銷
等因欽此臣遵即檄行布政司於省城設立公所
動撥庫銀遴委署理事同知事內閣侍讀董自超
分別收買其外府州縣不便設立專員即令地方

官動用正項照部定價值公平收買解省去後今
據布政使費金吾報稱雍正五年分省城共收買
過黃銅一萬二百六十六觔零外州縣共報收買
過黃銅五萬一千九百四觔零二共六萬二千一
百七十觔零業經臣陸續咨部在案除將動用過
銀兩於該年奏銷冊內造送戶部查核外所有雍
正五年歲終止收買過銅器觔兩數目理合遵

旨奏

聞謹

奏

民無滋擾即屬收買有方也

同日又

奏為欽奉

聖訓據實覆奏事竊臣前具覆

奏挑選兵丁摺內欽奉

諭旨思慮可謂周到之至又奉

諭旨此數是否敷用抑或太過爾等再加商酌又奉
諭旨不但管轄二十箇月而已直須派委將備帶領兵
丁董任其事今此寄信專為預備兵數至於選派官
弁臨期自另有旨尚有教習車戰之人并車輛俱令
隨後到來到齊之日遵照而行欽此臣查議給兵丁
行裝銀兩臣等前因逐件估計約需銀十兩之數
是以不揣冒昧具

奏今蒙

聖諭臣謹當會山東撫臣塞楞額山西撫臣石麟再行
商酌務期敷用不致太過不足至管兵官員臣遵
即密為留心遴選可以帶領兵丁董率其事之員
以備臨時酌量派撥不使伊等聞知伏候

諭旨到日敬謹奉行所有奉到

硃批原摺理合恭繳謹

奏

所議好朕降諭山東山西兩撫臣俱令於卿處畫一而

行也

同日又

奏為欽奉

上諭據實覆奏事竊臣前因豫省米穀日多倉廩不敷
於雍正三年六月二十一日曾經恭摺具

奏請將原任撫臣楊宗義代賠衛輝府叅革知府吳
柯等十案虧空餘剩銀一萬二千三百八十一兩
零動撥添蓋奉有

硃批諭旨臣遵即飭令布政司會同糧道動撥前項銀兩酌量添葢共建過倉八百二十六間又於雍正四年四月二十七日准戶部咨凡地方倉廩年久倒塌者詳明上司委員勘估報部動支正項錢糧急行修葢其廩座無多將倉糧寄貯寺院并天堆露囤者詳請督撫查勘確實將作何建葢之處妥擬具題等因到臣復經臣轉行所屬一體遵照去後嗣據各屬陸續詳報內除常平義社新建等倉

穀石俱有倉廩無庸添建外惟有彰衛二府陝州
一州陽武等三十縣康熙四十三年截留漕穀河
北事例已未捐穀太陽渡收捐米麥糶易還倉穀
雍正三四兩年帶徵民欠漕米徵還穀石共穀八
十四萬六千九十三石零內除舊有并添蓋過倉
廩二共六百六十一間貯穀三十三萬五百四十石
零尚餘穀五十一萬五千五百八十八石零應需
倉一千三十一間每間核估銀一十五兩共銀一

萬五千四百六十五兩再臣伏查通省各府州縣
共積貯各案穀三百六萬七十餘石將來每年出
借加收息穀尚無餘倉可貯且每當六七等月暑
氣薰蒸之時曬晾搬騰須得空房存貯似應酌建
餘倉以待收貯息穀并為盤量之地今就各屬貯
穀數目統計通省共應建餘倉二百二十間每間
核估銀一十五兩共銀三千三百兩以上添蓋正
餘倉廩共應需銀一萬八千七百六十五兩臣查

原任撫臣楊宗義代賠十案虧空內有解部銀二

萬二千六百餘兩扣存腳價添平等銀九百六兩
零止用過銀六百六兩零尚餘銀三百兩可建倉
二十間又查河北事例每收捐穀一石外收公費
銀二錢解司充公業經前撫臣石文焯

奏明在案茲查司庫內現存銀八萬九百二十六兩
零原係存貯充公之項今即以此項捐穀之公費
添蓋貯穀之倉廩甚為得宜似可無庸動用正項

錢糧倘蒙

在卿前量為之

聖恩俞允即飭令布政司於此項銀內再動銀一萬

此項八千四百六十五兩給發各屬建足倉廩以益積

貯至於應建倉廩間數并需用銀兩數目因非動

稱建

倉違例私捐銀兩具題與否均無不可但須看別

省作何施措耳若直省縣皆題報自不應互異設有數

題理合恭摺請

省不題則無庸疏奏一面先行動撥修造具題之舉何

妨少待

睿鑒謹

奏

覽

雍正六年三月二十五日河南總督臣田文鏡謹
奏為恭報雨澤仰慰

聖懷事竊查豫省自入春以來仰蒙

皇上至誠感格因而雨暘時若嘉穀蕃昌所有通省節

次得雨日期業經臣恭摺奏

聞茲據各屬報稱又於三月初七初八十七十八二十

一等日甘霖疊沛入土自三四寸至一尺不等通
省之中均沾普被現今大麥穗已秀齊小麥已長
有一尺五六寸不等較之往年更加肥碩再臣查
高糧亦已滋長出有四五寸不等芝麻棉花俱已
放莢穀黍盡皆播種并有萌芽出土者豌豆等物
亦各秀實而且菜吐奇葩黃金遍於阡陌麥翻細
浪瑞氣溢於郊原從此豐年可必太平有象臣職
守封圻不勝懼忭敬謹之至所有豫省復得雨澤

日期暨百穀暢茂情形理合恭摺具

奏仰祈

睿鑒謹

奏

覽奏豫省雨澤疊沛及麥禾暢茂情形實屬可喜可慶
畿內亦然

同日又

奏為恭謝

天恩仰祈

聖鑒事雍正六年三月初四日臣齎摺家人回豫捧到

皇上賜臣

皇輿圖十排共十軸臣隨郊迎至署恭設香案望

闕叩頭謝

恩祇領訖欽惟我

皇上

德沛堯封

光昭禹甸

剛柔克協卓然兩大無私

健順攸宜允矣萬年有祐

視九州為一體特繪瑤圖

運四海於一心時調玉燭

弘仁普被黃童白叟莫不巷舞而衢歌

愷澤覃敷僻壤遐陬盡皆向風而慕義幅輳之廣

至治之隆此誠從古所未有於

今為特見者也臣恭逢

盛世謬荷

寵頒感

聖德之弘施銘鏤奚極觀

皇輿之宏廣朴舞彌殷

臣

惟有什襲珍藏永作傳家至

寶殫心竭力益矢報

國微誠而已謹此恭摺

奏謝仰祈

聖鑒謹

奏

輿圖十軸其中鴻纖鉅細悉由

聖祖躬親考據苦心經營至數十年之久方始告成寰宇
以內地域廣輪之數一展玩間瞭如指掌洵可稱為寶
物允宜什襲珍藏者

同日又

奏為桃汛已過工程平穩仰祈

睿鑒事竊臣伏查豫省黃河據管河各官報稱自雍正六年二月二十五日清明起至三月十六日止黃沁兩河共長水一尺八寸至三尺五六寸不等今已消落一尺八九寸不等雖蘭陽縣北岸耿家寨大溜北徙變為頂衝以致埽堦漂失并將臨河第一層越堤堤頂塌陷丈餘臣查耿家寨臨河越堤之北一里許外有二層越堤二層越堤之北二里許外方是大堤臣即商同副河臣嵇曾筠將塌陷

堤頂修築堅實又在於頂衝之處下樓厓埽一路
沉水埽一路已經鑲填簽椿結實水勢上提溜已
南開而第一層越堤之內搶築裡戢壩臺連釘攔
土排椿一路俾土戢堅實再於第二層越堤加幫
高厚挑挖深濠備料下等埽一路其大堤業於去
年加高培厚足以捍禦現今險工並皆搶護無虞
一切堤岸埽壩工程俱各平穩但轉盼伏汛即屆
臣仍嚴飭管河各官加謹修防外所有桃汛已過

工程平穩緣由理合恭摺具

奏上慰

聖懷謹

奏

覽奏險工業經保護無虞朕懷深慰仍須督飭各河員
加謹修防毋致稍有懈弛

雍正六年四月十六日河南總督臣田文鏡謹

奏為據實奏明仰祈

聖鑒事竊臣於雍正五年七月二十二日接到大學士

臣張廷玉來字內開原任陝西漢陰縣知縣徐耀
任內有噶世圖題叅貪戾一案又有年羹堯續叅
虧空一案俱經審實部覆將徐耀擬絞監候因事
在

赦前應俟虧空科斂銀兩完日釋放隨於雍正五年
六月內岳鍾琪以徐耀虧空等項於限內全完題
請開復部議以徐耀係科斂擬絞援

赦之犯不准開復具題奉

旨依議著將徐耀帶來引見隨於六月內引

見徐耀將被叅款項含糊辯訴奉

旨交與戶部詳查隨經戶部將被叅二案情由查明具
奏七月初十日奉

旨徐耀係不應開復之員朕看其人尚明白可用且經
歷外任多年故宥其前罪著發與河南巡撫田文鏡
先以通判補用若居官果優再行題補同知倘不知

感恩效力盡洗前愆著即題叅從重治罪將此情由
張廷玉作字寄與田文鏡知之欽此嗣因歸德府通
判員缺經臣於雍正五年九月十六日將徐耀
題請署理如驗其果能勝任再行題請實授奉

旨該部知道欽遵在案臣查徐耀仰蒙

皇上洪慈宥其前罪逾格擢用自應感激

天恩洗心滌慮竭誠圖報乃該員甫經抵任臣即聞其
居心卑鄙行事乖張臣屢行教導竟怙終不悛署

事半年種種劣蹟昭著經臣密訪確實復據司道府揭報實屬下愚不移教無可施似此喪心昧良之員斷難一日姑容貽誤地方除開列款蹟另疏題叅外理合恭摺

奏明仰祈

聖鑒謹

奏

委係應叅劣員宜加倍定擬具奏

同日又

奏為恭謝

天恩事竊查豫省中牟縣所屬之天麻堡至孔家莊止
地勢低窪每遇雨水過多民田間有淹沒且復環
繞城邑一時難以就涸此皆雍正元年陽橋地方
河堤漫溢賈魯河被沙淤塞所致經臣委員勘估
確實於雍正五年八月初四日恭摺

奏請動撥耗羨銀一萬二百六十八兩零遴委廳汛

各官協同該縣領給銀兩雇募人夫將賈魯河挑
挖以資宣洩欽奉

硃批諭旨此議甚好允係應興之役等因欽此臣遵即
行令布政司會同管河道動撥銀兩委員疏濬去
後今據該司道詳稱中牟縣應開賈魯河已於雍
正五年十一月內挑挖完工實動用過銀九千五
百一十九兩零節省銀七百四十八兩零等因到
臣又據沿河士民冉克明等環繞臣署呈稱欽惟

我

皇上

恩同覆載

德竝生成

俯念稼穡之艱難

垂恤民生之疾苦尤以低窪地畝每至雨水過多不

免淹積

特發帑金募夫挑挖遂使沿河數百餘頃低窪地畝一

旦盡成沃壤即遇雨水過多之歲亦可永免水患
從此水勢暢流億萬年均沾

膏澤黎民樂育千百載共享

昇平矣懇請據詞入

告等情到臣臣不敢壅於上

聞理合恭摺代為

奏謝

天恩仰祈

聖鑒謹

奏

果如呈詞所云此番疏濬洵屬有益之舉矣

同日又

奏為仰祈

聖恩特留清勤公正之道員以勦

盛治事竊查河北彰衛懷三府地方遼濶河工緊要若

無道員彈壓料理諸務不免廢弛經臣

題請復設河北守道即以協理河道禮部主事朱藻
題補蒙

皇上俞允准其補授在案該道感激

天恩竭誠圖報自到任迄今一年以來凡於地方事務
河岸工程無不盡心辦理且一塵不染勞怨勿避
公正無私洵稱全璧臣實收臂指之助今於雍正
六年四月十二日准吏部咨查得鑲白旗漢軍都
統咨稱原任安徽按察使朱作鼎虧空認還借欠

原任鹽法道孔興璉銀一萬六千兩一案未完銀
七千五百一十六兩零逾限不完請

旨將朱作鼎革職交送刑部照例治罪下欠銀兩著落
伊子通判朱藩守道朱藻俱各解任來京勒限一
年嚴追完結奉

旨依議欽此移咨到臣臣隨行布政司行令朱藻解任
歸旗著追在案臣查虧空官員現在出仕之子例
應解任著追

功令森嚴臣何敢違例瀆請但臣思河北道員缺極其緊要伏汎轉瞬即屆北岸堤埽工程關係運道民生非可懸缺久待一時難得諳練河務清勤公正之員膺此重任朱藻一解任如失臣之左右手實有萬不得已於臣心者伏乞

皇上天恩俯念河工重大地方緊要將朱藻仍留河北道任伊父朱作鼎虧空銀兩准其勒限一年追完該道自必愈深感激竭力完解倘逾限不完即係

該道辜負

聖恩應聽本旗都統題參照例治罪是否可行伏候
皇上睿裁臣不勝感激悚惕之至為此謹

奏

前該旗奏請將朱藻解任勒追朕偶未經意照例允行
隨據吏部開缺業已降旨依議矣如欲保留在任具疏
題請候朕裁奪以朱作鼎之為人而生如是幹蠱之子
可謂大奇

大道冥默儘有令人不可解處

同日又

奏為欽奉

聖訓據實覆奏事竊臣家人齎回臣恭報雨澤一摺欽奉

硃批諭旨覽奏豫省雨澤疊沛及麥禾暢茂情形實屬

可喜可慶者畿內亦然欽此

臣思雨暘時若皆我

皇上至誠上感淳化下敷所致今查豫省又於本年三

月二十一二十八四月初二十一等日連得時雨
入土自四五寸至八九寸不等通省之中極其調
勻大麥現在收割小麥於四月二十四五亦可刈
獲較之往年更加豐稔至於高糧穀黍以及棉花
芝麻雜糧並皆十分暢茂遍野如雲童叟歡呼羣

歌

覽奏禾稼情形宛若青蔥在目欣慰何似
聖德微臣犬馬之私不勝慶幸又於恭報桃汛一摺

欽奉

硃批諭旨覽奏險工業經保護朕懷深慰仍須督飭各河員加緊修防毋致少有懈弛欽此臣欽承

聖諭敢不謹慎辦理并嚴飭管河各官加緊修防茲臣

伏查水勢自桃汛以後總因河泓刷深長水自五河務一事須時時敬謹防備非比別項工程成功後即可言省力二字也
埽壩工程俱各平穩合并奏

聞所有奉到

硃批原摺理合恭繳為此謹

奏

知道了

雍正六年五月初四日河南總督臣田文鏡謹

奏為恭報二麥收成分數暨秋禾暢茂情形仰慰

聖懷事竊查豫省二麥現在俱已登場臣據開封等八

府暨汝陳等七州并所屬各州縣報稱二麥收成

俱有十分更喜今歲黃河水勢退縮堤內河灘地

畝無一處不加倍收穫所種高糧穀黍以及花豆

雜糧極其暢茂臣詢之老農僉云如此豐年從來未有士農工賈莫不歡呼踴躍咸謂此皆我

皇上至誠格

天大孝格

祖致此

天庥豫省臣民何修何幸而得逢此

盛也所有二麥收成分數暨秋禾暢茂情形理合恭摺奏

聞謹

奏

二麥收成數以手加額欣覽焉中州咫尺何待卿
言過往使臣早經奏聞矣凡此實由

穹蒼賜福於豫省正當敬承無斁朕深望

上天眷佑生民均如豫省之時和年豐每訓示直省督撫
凡居心行政必求上合

天心庶蒙申錫嘉祉如是降諭不當再三其不肯欽承莫

能遵循者皆緣朕之德薄未足以化其私衷耳天人交感之際捷如影響此理甚明且確期共勉之

同日又

奏為恭報得雨日期暨水勢平穩緣由仰祈

聖鑒事竊查豫省今歲雨暘時若年穀順成除二麥收成分數經臣另摺奏

聞外今又據各屬報稱於本年四月二十一二十二二十九三十等日復得雨澤自四五寸至尺餘不等

通省之中極其調勻土膏無一處不霑渥秋禾無
一處不暢茂戶慶盈寧民情胥悅臣得藉以仰慰
聖懷再臣伏查豫省黃河自入夏以來水勢竝不加長
即或長水亦止二三寸至七八寸不等隨長隨即
消落一切堤工埽壩俱各平穩至於南北兩岸凡
有形勢緊要應即加修之處俱已乘時修竣臣仍
嚴飭管河各官董率兵夫無分風雨晝夜加意防
護不致稍懈以仰報

天恩於萬一耳所有豫省得雨日期暨水勢平穩緣由
理合恭摺奏

聞謹

奏

河工一事直待秋汛過後方敢釋懷惟應敬謹辦理絲
毫不可懈怠且恐今歲雨水過多尤宜預為防慎

雍正六年五月二十八日河南總督臣田文鏡謹
奏為恭報晴雨日期暨汛水平穩緣由仰祈

聖鑒事竊查豫省自本年四月二十八日以後雨水不免稍多臣恐民間堆積在場未經曬打之麥被雨淋濕隨即深自修省并飭令雨多之州縣竭誠祈禱外茲據各屬報稱自五月十一日起天氣豁然晴霽取視麥穗尚無損傷現據農民乘時曬打俱已收藏目今連日晴霽不特麥可盡曬而秋禾亦無不倍加滋長等情到臣此皆仰蒙我

皇上至誠感孚

天

祖默佑之所致也再臣伏查豫省黃河水勢自入夏以來

長水自五六寸起至三四尺不等旋即消落總因

時刻

河泓刷深竝未出槽一切堤岸埽壩工程俱各平

穩

母

穩

方

惟

協

同

副

河

臣

之

稭

曾

筠

時

刻

敬

謹

辦

理

并

嚴

飭管河各官無分風雨晝夜董率兵夫加意防護

以期仰報

天恩於萬一耳所有豫省晴雨日期并汛水平穩緣由

理合恭摺奏

聞謹

奏

朕觀今年景象惟恐雨水過多以故日夜憂虞莫置幸
歲已過半節屆仲夏膏澤甚屬均調第此後自伏迄秋
晴雨若何未敢預必耳

同日又

奏為恭報動存耗羨銀兩數目仰祈

聖鑒事竊臣伏查豫省自雍正二年起至雍正四年所有收過各年耗羨銀兩并動支數目業經臣節次恭摺奏

聞茲據布政使費金吾造冊詳報內開雍正五年分原貯司庫各年耗羨共銀三十六萬三千七百三十兩零又自雍正五年正月起至年終止新收過各年耗羨并歸還原款共銀四十三萬九百六十八兩零新舊二項共銀七十九萬四千六百九十八

兩零內除起解各部添平案飯等銀暨布政使詳
明臣衙門存案動支過各官養廉并各項應需銀
共二十九萬四千二百七十六兩零實在貯存司
庫各年新舊耗羨共銀五十萬四百二十一兩零
所有雍正五年分貯存動支過新舊耗羨銀兩年
款數目理合恭繕細摺一併據實奏

聞謹

奏

卿諸凡料理悉屬井井所報銀兩數目知道了但耗羨
儲蓄如許之多於國於民兩俱無益當思於地方公務
濟用不令積聚盈溢方是或加恩官吏以獎清廉或施
惠窮愁以紓疾苦均無不可卿其周詳籌計具奏以聞
今用卿為河東總督東撫塞楞額已命卸任赴京矣伊
兩次所奏之摺并朕硃批諭旨發來卿看內有應行事
件庶便斟酌辦理

硃批諭旨卷一百二十六之十二